

ОРГАН КУЛТУРНО-НАЦИОНАЛНОГО СОЈУЗА ЈУГОСЛАВЈАНСКИХ РУСИНОВ

РЕДАКЦИЈА И АДМИНИСТРАЦИЈА
Нови Сад, Војводе Вука 60

Нови Сад, 16 октобра 1938.

Излази 2 пута месечно

Претплата: на год. 25 Динара, на пол
год. 12'50 Д., иностранство 1 Долар
№ 1 ДИНАР

9 О К Т О Б Е Р

9 октобра уж штврти раз отримани жалосни помен за милого нам покојног И. Вел. Кр. Александра I Ујединителя јужних славјан.

Вельки боль за Вельким Покойником помали дава место гљубокому поштованю и любви гу покойному Краљу. Аж тераз, и то вше баржей, уочуйе ше Його величина. Тераз, кед ше цали швет находзи пред вшелъиякима почешкосцами зоз хторих еше нъихто нъе зна як ше видзе, тераз би нам баш најпотребнейша була Його мудросц и воля.

Пре то нъе овисно од того jakim ше способом указуйе гљубока жалосц, любов и



поштованье гу Благоупокойеному Краљу Мученику, царч југославјански народ ноши Його спомин у својим шерцу и тот спомин поможе југославјанскому народу да лъехко пребродзи шицки почешкосци хтори у Його живоце годњи надисц. И того 9 октобра цалей нашей держави и у шицки: богомольох якх християнских так жидовских и муслиманских били отримани парастси за покой души Його Вел. Краля Александра I чій дух ље з нами, вше будзе з нами и одведе нас до щесца и побиди правди, до напретку у матерјалним и духовним живоце шицкихгражданох.

Ред.

Чехословацка пристала на виправку йей граньци

Пред даскельома днями швет бул справди льем йеден сантиметер дальеко од войны, як то еше за 21 май гварел пан претсидатель французской влады. Розлика йе льем у тим же то у маю була за векшину тайна а тераз ше ишло зоз отворенима картама. И цо ше стало? Чехи пристальи да Ньемецка забере йедну часц их держави, а у йедней другой часци держави да ше гласа хто дзе сце жиц, або у Ньемецкей або у Ческей. Ньемци вежию тоти крайи хтори после швитскей войны нье сцельи Чехи пріяц. Та цо у тим таке страшне? Поведли би зме ньич. Да, у существу ствари ствар нье така опасна и випатра чудно да пре то и могло присц до швитскей войны. Но способ на хтори ше тота цала ствар одбавела випатра вельо важньейши. До швитскей войны пришло пре то же йедни народи владали зоз другима и гнявели их. Так Славянье окрем Русии, Бугарскей и Сербии нье мали своей шльебодней держави но виками з нима владали чужи. Славянье ше процив того буньели и их вишлебодзенье коштало милиони животох. После войны сцело ше виправиц хиби цо и пришло до швитскей войны. Створели ше нови, народни держави. Но ту було вельо почешкосци. У вельких крайох народи були мишани. Держави ше требали створиц по шльебодней волюи народа хтори би мал гласац у хторей держави сце жиц и дзе векшина ришава. Но народ пре вични рабства и гнявльеня за то нье бул дозрети. Створели ше держави по тим яки народ жиє у хторей жеми, а дагдзе ше досц часто одупйовало од того и ишло ше по тим котлому народу припадала хтора жем у остатньих столътйох. Так Ческа держава достала жми хтори були Чески за 1000 роки, гоч у остатньих столътйох до нних насельели други народи. Так було и у Чехословацкей коло 3 500.000 Ньемцох хтори жили досц збито у райох у хторих було мало других народносцох, так було у Шлеским Тйешину збито коло 75.000 Полякох под Ческу; так у Польскей йест вецей милиони Малорусох, наших братох, и вельо Ньемцох; так и у Мадярскей йест вельо Сербох, Ньемцох, Словакох и Румунох. Роздзельиц граньци да ании йеден человек цудзей народносци нье останье у дапойедней держави нье возможно. Но дапойедни держави маю и таки крайи у хторих их народ у велькей меншини. Зоз тим направени после войны льем у йедней часци високо процентни национални держави. То же ше нье створели 100% национални держави завиши найвецей

од того же у дапойедних крайох народи мишани а право йе да тоти крайи припадню той держави чийо жительство жию у векшини у тих крайох.

Швитска война була уж на дзверох и Чехи приньесли вельки жертви да ше сачуваю милиони животох. Ньемци и Польаци позаберали уж крайи за хтори тримаю же су их а з Мадярама ше водза дорозуменя. Правда Мадяре гльедаю вельо вецей цо им спада алье надац ше же ше на мирни способ поспигнье справедльиве ришенье и того вопросу. Зоз тим Чехи страцельи вельо алье и добили дацо. Добили то же у своей держиви нье буду мац вельо чужих народносцох и же буду мац чисто славенску державу. Вонкашня моц новей Чехословацкей держави вельо менша алье нукашня треба да будзе вельо векша.

Тераз нова Чехословацка република зоз темелю преуредзуйе. Словаци достали аутономію яку жадали а навирно и Прикарпатска Русь достанье исту самостойносц. Нова Чехословацка-русска република почина свой нови вельо здравши живот, помали ше очисцуйе од комунизму и од жидовского вихаснованя народу. Остал еше йеден вельки вопрос да ше риши, а то йе вопрос Прикарпатскей Русии хтору сцу забрац як Мадяре так и Украинци з Польши, но нашо ше браца уж вишньели за аутономію у саставу Чехословацкей републики и надац ше же так и будзе.

Др. Й. Шарик

Аутономія Прикарпатскей Русии

Нашо браца на Карпатох достальи аутономію (самостойносц) и вишньели ше же сцу остац у новей Ческо-словацко-прикарпаторускей републики. Им тота самостойносц обещана дораз после войны но нье досц справедльива дотерашня Ческа нье випольньела потполно свойо обещанье. Нашо ше браца за остатньи 20 роки борели за свойо права но ипак були досц лоялни и зоз раншу Чехословакію бо знали же им и у ньей було вельо льепше як би то було гоч у хторей другой держави.

Интересантне йе же ше прикарпатски руснаци першираз дорозумели и зоз украинцами и так створели першу владу аутономней Прикарпатскей Русии хторей йе на чолье министр п. Андрей Броди зоз министрами п. Едмундом Бачинским и Юліяном Ревайом. Державни потсекретаре су: п. Аугустин Волошин и п. Иван Пъщак. Пан Иван Паркань и на дальей остава гувернером а п. Фенцик поставени исто за ополномоценого министра и вошел до комесии хтора прегваря зоз Мадярію.

Слово хторе отримал п. Павлович на рочним собранію К. Н. Союза

Дороги браца Коцурчанье!

У першим шоре сцем Вам повесц йедну правду пре котру и я так радо приходзим до Коцура, вше кеди ми то мойо возможности допуца.

Тото цо Вам поведем т.й. виволам барз ласкаве по Вас и верим же Вас то льем еще баржей потрима у народной роботы, котру сце до тераз так свидомо окончовали.

Було то пред 5 роками — мешац скорей як цо основани наш русски Союз — у доме нашого тогдашого паноца, Вашого валалчяня п. Бисерменя. Бешедовали зме о Вашим Коцуре и о новосцох зоз Коцура, котри ше теди розширйовали по шицких наших русских валалох як преїг телефона. Паноец анализовал особини Коцурчаньох и нараз вирек: „Коцур пошол барз вельо напредок од наших шицких русских (нє гварел украинских) валалох и то нє льем культурно аље и націонално“.

Вон як да бул пророк нового время и нових часох, котри наступели о мешац, кед зме на иницијативу Коцурчаньох основали, як знаце, у Вербаше „Культурно-просвитни Союз“.

За тоти 5 прешли роки усиловали зме ше, да цо вецей зробиме на здвиженію нашого народа як у націоналним так и культурно-газдовским погляду. Робели зме зоз чистим и радосним шерцом и верели же зме кажди дзень вше баржей же зме пошли по добрей драги и же наша работа нє будзе даремна.

Пред 5 роками була то уска драшка по котрей зме ше пуццели, уска а гу тому еще наше противници нам на ню руцали вельо церня же би нас одврацели од роботы и же би нас и нашу идею уньичтожели.

Вельо церня було на тей нашей драшки, вельо препреки, вельо служби одслужени, вельо рожанця вимодльени — рихтани нам вельораз — особито нашей милей „Зарьы“ парастос аље ми ше на нашу радосц а их за-препасценье льем отримали — драшку очисцели и розширели и шмело идземе напредок.

Бог нє бул процивни — нє сцел вислухац нашого противника гоч кельо доставал молитви — и як знаце було шицко даремне — заряше робели и робя — и мали и маю вше тельо ба и вецей як их противници.

А шицки тоти гласи, шицки кричяня и молитви процив нас випатраю нєшка як кед пси брешу на дацо цо нове, цо вони еще нє видзели и цо им випатра страшне и по-

гибельне. Паметам йедну причту, котру любел приповедац вельки фабрикант Ян Бата:

На краю йедного села указала ше каравана кочох (вельо кочи йеден за другим). Перши пес ше зльекол — и як знаце зато же ше зльекол забрехал. Учули то други пси и почали и вони брехац бо чули же их колега бреше, аље нє знали чом. Кед видзели сами вельку каравану зложели ше од страху и длуго скакали коло кочох и брехали, брехали — кельо льем могли — аље льем брехали, а каравана ишла свою драгу нє скруцуючи ањи лыво ањи право просто гу свойому цилю. Псом нє остало друге — престали брехац, скруцели хвосты и уцагли ше под гамбари.

Було подобне и зоз нашу идею и з нами. 5 роки нам указали же зме на добрей драги и же наша работа добра. Мушиме, двараз и трираз вецей робиц и за идуци 5 роки двараз и трираз вецей зробиц и подзвигнуц як культурно и націонално, так и економски наших людзох, же би наш народ жил як жию други культурни и напредни народи.

При Словенцох тоту роботу пред 60 роками почал и робел зоз вельким успехом католицки паноец Крек. Сцем зоз тим повесц же можу вельо добра зробиц и паноцове льем кед сцу. У нас ше нє можеме похвалыц зоз такима паноцами. До тераз наше паноцове старали ше льем за душу — и нє сцели чуц за тоту значайну а им добре познату скаску: „Mens gata in corpore gata“ — лєбо по русски = „здрава душа, Богу мила душа — може буц само у здоровим целу“.

(Дальей будзе)

Павлович Дюра

† Йоан Буша

23 т. м. на godzину пополноци, випуцел свою племениту душу вельки славян и тварди русин Йоан Буша. Зоз його шмерцу страцельи зме старого и уваженого борца за свой русски народ и за цале славянство. Покойник бул вельораз осумньичени од Аустро-угарскей влади як русофил и славянофил но вон ше нє дал застрашиц и борел ше вше ягод льев. Бул у општини за длуго ешкучт и широтни и на тих местох указал ше достойним сином, борбеним и чесним и як такому було му поверене титорство у греко-католичкей церкви. Свою длужносц покойник и ту совисно окончовал стараючи ше да ю цо краше ушори и украси так да будзе на повос русскому народу. Но кед ше русски синове почальи школовац о цудзим трошку и у цудзих нє славянских школах дзе бульи одховани у процив славянским духу и постальи найвекши процивньици рускосци и славянства,

теди покойни Йоан Буша станул до одбрани своей рускосци и своей вири. Старого русина и славяна нѣ могло поднѣсц да зоз мирну душу патри як власни синове предаваю свой народ нѣпрятельом, як го удалюю од шицкогo цo руске и славянске и од славянскей вири, та опоминал запредавцох най ше враца на руску и славянску драгу по хторей ишли и нашо дѣдове. Но каменого шерца римски воспитаньци нѣ сцѣли випольнѣц цепли молитви нашого борца и предлужельи и дальей и ещи баржей тровац русски народ и национално и вирски. Зоз слизами у очох и больом у шерцу патрел покойник як ше наш богобойни народ поводзи за запредавцами и як ше нѣ знаюци цo роби предава нѣпрятельови як жертва. Но покойни Йоан нѣ страцел и теди надѣю у спасенье. Вон знал же славянѣ ещи вше моцни и же славянство нѣ може так лѣхко препадуц як би то враги сцѣли, знал же славянство и рускосц може зачувац йедино славянска православна вира хтору маю скоро шицки славянѣ, и зато зробел и остатнѣи напор да очува народносц и виру; позберал своих едномишльеникох, русских синых чийо шерцо гори зоз русску любовию и врацел ше назад на чисту славянску православну виру у хторей жию шицки нашо браца у Русii а и на Малей Русii (Украини). О, яки искушеня мушел покойник пре Христа и Його виру поднѣсц! Искушеня, фарисейох и лицемерох, хтори ше можу равнац зоз Йововим искушенями. Нападальи Христово нѣпрятелье на покойного Йоана на вшелъяки способи. Волальи го одпаднѣиком, безбожнѣиком, плювальи на ньго, клеветальи го и тримальи го за нѣчистого льем прето же признавал Христа Бога за главу церкви. Забульи шицки його добри дѣла хтори вон зробел а хтори ше нѣ шмельи аньи у найвекшей мержнѣи, забуц и през попатрунку на шицко; уньижельи го и вжалъи себе сами право да го осудза, вишмею а себе да воздвигну. Исторія Христовей церкви ма венѣец таких мученикох хтори страдальи за правду.

Перша ружа у тим венцу йе сам Господ Исус Христос. Вон творел вельо добри дѣла за спас чловечанства. Но цo зробельи фарисейе и вирски водьове? Осудзельи го, понъижельи, поплювальи и на криж прибилъи. А прецо? За то же научовал и гльедал правду а то у нѣих нѣ було, та нагварельи людзох да го роспню, и тота фарисейска работа нѣ престава и тераз. Нѣчесни искушеня нѣ обилиши покойного аньи на шмерци. Лукави фарисейе попробовальи да остатнѣи час покойников вихаснуйо и да го уж скоро полу- мертвого застраша зоз пеклом да го здри-

льа зоз правей драги до вичней цмини. Алье покойни бул твардо убедзени же йе на правей драги цо и зоз дѣлами указал и отповед скусительом: „Чом ми голъем умрец нѣ даце мирно алье ме присилуйеце да гришим. Я свою руску виру нѣ попуцим. У нѣей сом ше родзел у нѣей сцем и умрец“ и о мали час после того мирно, зоз молитву за нѣпрятельох на устох, шептаючи божествени слова, руске шерцо почало вше помалши ставац а живот ше гашел и наш заслужни борец розишол ше зоз нами шицкима да ше и дальей предлужи бориц за нас алье тераз нѣ на тим швецѣ полным мержнѣи, зависци и егоизма, алье на гевтим, дзе нѣет нѣнависци, мержнѣи, хороти, алье живот вични, любов и злога.

Тѣло покойного Йоана лѣжало уж у труни покрай ожалосценей му жени и родзини, хтори зоз вельким больом оплаковальи шмерц мужа и чловека признатого и заслужного за каждого, алье сотона ше старал да и покойному тѣлу нѣ да мира алье да го еше на остатнѣей драги ошмейе и понъижѣи. И духовни пастире, фарисейе указальи ше у правей фарби. Йедна од „часних шестрох“ зоз крижиком на першох „богобойна“ и „свята“ шмеяла ше на пѣяцу бо кед покойному Бушови Шваби дзвонѣельи. Ганьба би то було и од нѣехрищана и грих а нѣ то од нѣей, но требало дзвонѣиц унѣятom, ша досц их даровал. Дзе им хрищанска любов и благодарносц? На сам дзен хованя, вельо зоз тих „найсвятших“ аньи раз ше нѣ прежегнальи и нѣ сцѣли обиходзиц коло труни бо им було заказане од Христових пастирох. Задумайце льем себе, да ше ангели або и сам Исус Христос даяк явел на тим хованю як худобни чловец и да опомнул людзох же их паноец нѣ добре учи бо криж аньи нѣ православни аньи унѣятски алье Христов и Його синых, па треба кажди да ше жегна и поштуйе криж. Думаце же би нѣ була такой казань же йе безбожнѣик и отпаднѣик? И кед би нашо фарисейе малъи право, Исус Христос би подруги раз вишел на крижу. Но, Боже опросц им бо нѣ знаю цo робя!

Хованѣе ше одбуло по восточним обряду и о. Виславски у тей нагоди отримал красну бешеду, полну хрищанскей церпезливосци и любви у хторей вицьес заслужну роботу покойнѣикову як на национальным так и на вирским полю. Ми русски синове благодариме покойному на шицким и жичиме му да го Господ Бог наградзи за його церпезливосц.

Вична ци памят славни русски борце и най ци будзе лѣхка жем за хтору ши ше борел!

Коцурчанѣ

НОВОСТИ

Чехословацка ѝе и нѣшка штредиско позреня медзинародней политики. Наш братски народ указал як ањи ѝеден у исторїи швета вельку культуру, вельку дисциплинованосц и вельку націоналну свідомосц. С правом гварел ѝеден англїйски посланик у парламенту же найвекша заслуга же тераз нѣе пришло до войны нѣе припада ањи п. претс. Чемберлену ањи тому ањи гевтому, но ческому народу хтори указал свою вельку культуру и самопрегоренѣ. Чехи напушени од прїятельох мушели пристац на то цо им скроел штверни пакт, цо им створели штири вельки сили. Чехи нѣшка уступаю Нѣмцом Судетски крайи, Поляци насилу одняли од нѣих край у хторим ѝест 70.000 Полякох а 120 000 Чехох. Но и то им нѣе досц. Ту ше уж вецей нѣе роби о правди, о вољи народа, о народносцох и о виправяню „хибох“, но ше ту гльедаю и робя нови нѣеправди пре интереси. Гробаре славянства вѣчера гльедали лѣм Тѣшински край и по тим би ше мало братски руковац, бо би ше браца вимирели. Но нѣшка ше твердзи же прїятельство помедзи Ческу и Польску нѣе може буц док Поляци нѣе буду мац взаємну граньцу зоз Мадярску а то ѝе лѣм теди кед Мадяре достаню Прикарпатску Руссію. Нѣе досц Поляци гнявля 7,000.000 Малорусох но треба еше даз пол милїона дац Мадяром. Ыедини край швета дзе ше после войны зробело так як то бул идеал тедишнѣй политики и цо нѣшка гльеда нова правда за Европу, ѝедини край швета дзе ше народ сам одлучел до хторей держави сце да потпаднѣе то ѝе Прикарпатска Руссіа хтора ше по вољи народа приключела гу Чехословацкей. Та чи ту ше роби о виправяню „хибох“, о гльеданю правди та гоч то було и против своих интересох? Нѣе, ту ше роби за свойо интереси а против правди, гльеда ше уж и нѣеправда пре свойо интереси. Та кед так вец и Чехи требали патриц лѣм свойо интереси а нѣе робиц пре правду и пре швитски мир против своих интересох. Чехи нѣшка преушорюю свою державу на зоз шицким другим темелю. Даваю и Мадяром шицки крайи дзе су Мадяре у векшини, Словаком и Карпатскей Руссіи випатра думаю дац потполну самостойносц. Зоз тим ше вдери нови тварди темель здравому животу народа у Ческей. Алье Ческа у военим погляду против Нѣмецкей вецей нѣе будзе претставяц нѣяку силу. Прето ше Чехи и у вонсашнѣй политики обрацели зоз шицким на

другу страну. Дотераз слухали „прїятельох“ та видза як прешлѣи, а од тераз думаю слухац „нѣепрїятельох“ то гольем буду цигурни же их вони нѣе нападню. Шицко ше то случело так нагло же двома людзе хтори ше за мешац нѣе видзелѣи, кед почню о тим бешедовац, стоя у положеню як да ше давно нѣе видзелѣи, як да прежили цалу ѝедну войну.

Нукашнѣ и вонкашнѣ политика у Ческей меня ше нагло зоз шицким на другу страну после минхенскей доради. Так як пошлѣидки тих пременкох, еше скорей поднѣес оставку п. министр претсидатель Хоца а тераз ѝ претсидатель републики п. Др. Бенеш.

У Београду стои виставка „три роки влади п. претсидателя влади Др. Стоядиновича“. Тота виставка, перша своей фели у Югославиї, приказуѣе успихи работи влади п. Др. Стоядиновича. На ясни способ мож на теѣ виставки видзиц цо влада п. Др. Стоядиновича зробела за три роки а исто так и цо дума у будучносци зробиц. Виставка барз успишна и интересантна и пре то же ѝе то перша виставка теѣ фели у Югославиї.


У Шпаниї примиріе. Випатра же ше на остатку 4 вельки сили дорозумя и на тим же да Шпанию охабя на миру най ше Шпанци бію сами як знаю. То ѝе тим лѣхчейше бо Шпанія дума же генерала Франко побіе кед ше зоз Шпаниї тераз поцагну шицки добровольци а кед ањи ѝедна страна нѣе годна увожиц оружїе.

Японци после скоро мешаца нападаня на Ханкей випатра же зламу китайску одборону и же заш наглѣйше почню напредовац и зарабїовац Китай.

Новини „Политика“ приноша же у Америки од разу прешло 75.000 руснацох на православїе, зоз унїи, греко-католичкей вири. Народ то зробел вѣедно зоз священниками пре владику Такача хтори до унїи почал уводзиц целибат и други римски обичаи. *Священници и народ видзели же грекокатоличка вира иста цо и православна, заправо же то православна вира хтора ше лѣм зїединѣла зоз Римом и признала папу за главу цркви.* Американских руснацох нѣе було возможно так лѣхко зашлѣпиц як наш народ. И кед их владика сцел и дальей их виру губиц, уводзиц (нѣеженство попох) целибат и други римски видумки, теди ше народ па и священство почало бунѣиц против того. Но як владика Такач остал упорони, можеме повесц скоро упрекдси, теѣ народной вољи, то народ нашол ѝедини спас тому злу а то ѝе да останѣе у своей вири но да нѣе призна вецей над собу власц п. владики Такача а зоз тим и власц Рима.

ФЕЛЬТОН

К. М. Евгений



Паприга

Баба Умканя, так ю волали людзе, очековала свойого мужа дому зоз села. Дьидо Умко любел ше украднуц од баби и забегнуц кус там кус ту, та вельо раз пришол пияни як пняк, а баба Умканя му читала як с књишки и вше ше наздавала же ше йей муж поправи. Кед ю уж забольел язык и гарло, знала себе льем чешко здихнуц, прежегнац ше як да од себе одганя нъчисти сили, и престала с приповетку. А дьидо? Дьидо кед вона престала, чамкнул з гамбами як прашух и — нъкому нъич. Аньи слова нъе прегварел да ше браньи. Лъегла ствар. Ша цо ше зна браньиц! Баба иншака нъе може буц, а його природни особини ше нъе пременя гоч под яку силу бабового языка.

Да, гварим, чекала баба дьида на вечеру, наварела капусти, порихтала стол и оштрела ше же би дьидови отчитац док придзе. Дьидо ше нъе понаглял. А прецо да ше и понагля, ша нъе ма работи нъякей гоч йе и дома цали дзень. Синове на салашу, а вон и баба дома сами, а карчми вельо. Прецо да шедзи дома? Так себе озда думал дьидо Умко и гласкал скльеньичку у Яйтелеса качмара. Яйтелес, так го людзе волали, любел дьида Умка с правим жидовским шерцом, гоч дьидо и нъе трошел у ньго богзна кельо. Гоч льем кажди дзень дванац тринац пальеночки дьидо попил, Яйтелес бул задовольни. И дьидо бул задовольни. Прецо би и нъе, ша док бул млади та нъе пил, а да бануе на гевтим швецце же нъе пил? Нъе, так ше нъе може. Гльедал вон вше даяку вигварку же би ше оправдал пред свою совисцу за свойо пиянство, як цо то знаю льем пиянници. Нъе раз мож видзиц як пиянници хтори през цали тидзень чешко робя, в нъедзелю до поладня пию и шпиваю же би розогнац бригу, док им дзеци дома гладни и голи, а жени с чешким больом подноша биду и церпенъе, а вони оправдую свой поступок на себе свойствени способ, та так и дьидо Умко. Нъе було баш шицко йедно кед го баба лала, алье ше аньи нъе бунъел. Чом да ше буньи? Та баба ше виприповеда та йей одлъехча, а вон находзи задовольство у йей бешеди голъем тельо кельо у шкрипаню старих дзверох в ноци кед нъескоро придзе.

Алье, врациме ше гу баби. Баба чекала и уж ше зошицким зацмело кед ше прила-

пела до вечери през дьида. Навечерала ше и лъегла спац. Дьидо пришол даз о годзину кед вона лъегла, алье пияни як помиток. Лампа ше швицела на столъе, а баба ше направела же шпи, гоч ю швербел язык.

— Бабо дай вечеру! Цо лъежиш як мех — почал дьидо еше з дзверох, а баба льем викуковала спод перинки.

— Цо ши варела? Давай!

— Та цо ци наварим пиянници швецка? Цо? Озда ци будзем ратоти пражниц або голупчата вариц! Там ци танъер с капусту при котлянки та йец!

Дьидо ше помирил зоз судбу. Принъес танъер с капусту, шеднул за стол и почал галово йесц. Баба була цихо.

— Чом ши нъе положила да ше зогрейе — дудрал дьидо през нос.

— Еше да ци ю и грейем? Дабоме, я будзем грац капусту а ти нъе знаш скорей присц?

— Знам бабо, льем шпи.

И док дьидо йедол, баба ше припатрала на ньго спод перинки. Видзела крашнъе же пойед шицко. Зна добре же дьидо люби горке та му и йедну папригу охабела, хтору вон нараз прельигнул. Алье знала добре и то же нъе охабела два льем йедну, а дьидо пойед два, цо вона крашнъе видзела. И цо було? Дьидо ше найед а бабу мержело ставац склоньиц стол за нъим, та остал танъер так на столъе до рана.

Кед рано баба станула, перше йей було да склоньи стол. Танъер стал як го дьидо охабел празни, льем остал у нъим хвост од миша, хторого дьидо пойед место паприги.

— Ти дьиду пойед мишу вечар — гвари му баба рано.

— Нъе плъец вера бо ци дам по ных та нъигда нъе прегвариш!

— Бо гей, палье ту хвост — и указала му у танъеру.

— Модльим це нъе гутор нъкому. Обецам ци же вецей нъе будзем пиц льем най ше нъихто нъе дозна.

Баба була задовольна же дьидо пойед миша и же йей обецал же нъе будзе пиц. Прежегнала ше, а дьидо чамкнул по старим обичаю. Наисце, отримал слово и вецей нъе пил. Ето, так дьидо Умко престал пиц од йедней паприги.

303 СОЮЗУ

Модльиме шицких наших претплатньикох да нам дораз явя кед нъе доставаю новину шорово або кед ю нъе доставаю на час.